

Ո Ր Ո Շ ՈՒ Մ Թ Ի Վ Օ 1

/գույքի վրա արգելանք դնելու վերաբերյալ/

«07» հունվարի 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետի ժամանակավոր պաշտոնակատար Աղասի Աղայանս, ուսումնասիրելով «Հենար ֆուդ» ՍՊ ընկերության (ՀՎՀՀ՝ 03547584, հասցեն՝ Կոտայքի մարզ, Քանաքեռավան, Մրգաշենի խճղ. 30, պետական գրանցման համար՝ 80.110.1029854, տնօրեն Ջհանգիր Հենրիկի Ապրեսյան) նկատմամբ հարուցված վարչական վարույթի նյութերը,

Պ Ա Ր Զ Ե Ց Ի

«Հենար ֆուդ» ՍՊ ընկերության կողմից թիվ 05100033/090221/0003264 տարանցման հայտարարագրով ՀՀ է ներմուծվել 5,750 կգ ընդհանուր քաշով տավարի գլխամիս, ինչը, համաձայն ՊԵԿ թիվ 05/8-4/7259-2021 գրության, 10.02.2021 թվականին ժամանակավոր պահպանության է հանձնվել ընկերության կողմից վարձակալած ք. Երևան, Արին Բերդ 12 հասցեում: «Հենար ֆուդ» ՍՊ ընկերության կողմից թիվ 05100033/261220/0029491 տարանցման հայտարարագրով ՀՀ է ներմուծվել 22,230 կգ ընդհանուր քաշով սառեցված հավի միս, ինչը, համաձայն ՊԵԿ թիվ 05/8-4/82586-2020 գրության, 31.12.2020 թվականին ժամանակավոր պահպանության է հանձնվել ընկերության կողմից վարձակալած ք. Երևան, Արին Բերդ 12 հասցեում: Երկու դեպքում էլ ՀՀ ներմուծված ապրանքներն առանց մաքսային մարմնի թույլտվության ամբողջությամբ հանձնվել են: «Հենար ֆուդ» ՍՊ ընկերության կողմից ՀՀ ներմուծված ապրանքների համար սահմանված մաքսային վճարները չեն վճարվել:

ՀՀ ՊԵԿ Արարատյան մաքսատուն-վարչության պետի 20.12.2021 թվականի թիվ 100 որոշման համաձայն՝ «Հենար ֆուդ» ՍՊ ընկերությունից հոգուտ պետական բյուջեի ենթակա է բռնագանձման **12,094,140 ՀՀ դրամ**, որից մաքսատուրք՝ 5,121,797 ՀՀ դրամ, մաքսատուրքի տույժ՝ 2,378,900 ՀՀ դրամ, ԱԱՀ՝ 4,100,612 ՀՀ դրամ, ԱԱՀ-ի տույժ՝ 492,831 ՀՀ դրամ:

Մաքսային վճարների գանձման նպատակով հարուցված վարչական վարույթում առկա փաստաթղթերի ուսումնասիրության արդյունքում պարզվել է, որ ներմուծված ապրանքները գտնվում են «Հենար ֆուդ» ՍՊ ընկերության տիրապետման տակ և ընկերության կողմից մինչ օրս դրանց համար չի վճարել 12,094,140 ՀՀ դրամի չափով մաքսային վճարները, չի տրամադրել մաքսային վճարների վճարման որևէ երաշխիք, ուստի առկա են բավարար հիմքեր ենթադրելու, որ ընկերությունը կարող է թաքցնել, փչացնել կամ սպառել վարչական ակտի կատարման համար անհրաժեշտ գույքը:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 88-րդ հոդվածի 2-րդ մասի դրույթներով՝

Ո Ր Ո Շ Ե Ց Ի

1. Վարչական ակտի կատարումն ապահովելու նպատակով արգելանք դնել «Հենար ֆուդ» ՍՊ ընկերությանը պատկանող գույքի և դրամական միջոցների վրա՝ **12,094,140 ՀՀ դրամի** չափով:

2. Որոշման մասին օրենքով սահմանված կարգով իրազեկել «Հենար ֆուդ» ՍՊ ընկերությանը:
3. Որոշումն ուղարկել ՀՀ ԱՆ հարկադիր կատարումն ապահովող ծառայություն՝ կատարման:

**ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ Ժ/Պ**



Ա. ԱՂԱՅԱՆ